



Arkivnr: 2014/13889-5
Saksbehandlar: Lise Fauskanger Ådlandsvik

Saksframlegg

Saksgang

Utval	Saknr.	Møtedato
Fylkestrafikksikringsutvalet i Hordaland		17.02.2016

Søknad om tilskotsmidlar til Alle barn sykler (ABS) for 2016

Samandrag

Pilotprosjektet «Alle barn sykler» i Hordaland er eit sykkelopplæringsprogram for 5. klassingar i regi av Bergen 2017 AS. Målet er å gje tilstrekkeleg opplæring og skape trygghet for barn på sykkel.

Hausten 2015 søkte Bergen 2017 AS om tilskotsmidlar frå FTU til å utvikle arbeidet i kommunane Bergen, Øygarden, Fjell, Askøy og Sund. I sak PS 25/2015 fekk Alle barn sykler tildelt eit tilskot på 52.500 kr frå FTU for 2015. Dette var dei midlane som opphavleg var sett av i FTU sitt 2015-budsjett til Fylkesfinalen i sykling.

Bergen 2017 har no sendt inn rapport for 2015, og ein søknad om tilskot for 2016 på 80.000 kr.

Fylkesrådmannen rår til at den årlege summen som er sett av i Handlingsplan for trafikksikring i Hordaland (2014-2017) til Fylkesfinalen i sykling, vert tildelt Alle barn sykler. Dette inneber eit tilskot på 62.500 kr i 2016.

Forslag til vedtak

1. Fylkestrafikksikringsutvalet (FTU) tildeler Alle barn sykler 62.500 kr i tilskotsmidlar for 2016.
- 2.
- 3.

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor inga underskrift.

Fylkesrådmannen, 08.01.2016

Bakgrunn

Pilotprosjektet «Alle barn sykler» i Hordaland er eit sykkelopplæringsprogram for 5. klassingar i regi av Bergen 2017 AS. Målet er å gje tilstrekkeleg opplæring og skape trygghet for barn på sykkel.

Hausten 2015 søkte Bergen 2017 AS om tilskotsmidlar frå FTU til å utvikle arbeidet i kommunane Bergen, Øygarden, Fjell, Askøy og Sund. I sak PS 25/2015 fekk Alle barn sykler tildelt eit tilskot på 52.500 kr frå FTU for 2015. Dette var dei midlane som opphavleg var sett av i FTU sitt 2015-budsjett til Fylkesfinalen i sykling.

Fylkestrafikksikringsutvalet gjorde følgjande vedtak 2. september 2015:

1. «Fylkesfinalen i sykling» vert lagt ned som arrangement i regi av FTU. FTU ønskjer å vere ein del av arbeidet «Alle barn sykler», og vere med å utvide dette til å gjelde alle kommunane i Hordaland.
2. FTU omdisponerer midlane på 52.500 kr som er sett av til «Fylkesfinalen i sykling» for 2015, til prosjektet «Alle barn sykler», og tildeler desse midlane til Bergen 2017 AS som eit tilskot for 2015.
3. Planlagte midlar som er sett av til «Fylkesfinalen i sykling» i denne handlingsplanperioden vil kunne overførast til prosjektet «Alle barn sykler» ved budsjetthandling i 2016 og 2017, men løyvinga skjer etter årleg søknad.

Bergen 2017 har no sendt inn rapport for 2015, og ein søknad om tilskot for 2016 på 80.000 kr.

Hausten 2015 fekk Bergen 2017 AS også tilskot frå Hordaland fylkeskommune v/ Kultur- og idrettsavdelinga, men følgjande fordeling; kr 100.000 for hausten 2015, og kr 200.000 for 2016 og 2017.

I fylkesrådmannen sine kommentarar, i nemnde sak, heiter det følgjande:

Midlane som er sett av i handlingsplanen til Fylkesfinalen i sykling vil kunne overførast til prosjektet «Alle barn sykler» ved budsjetthandling i 2016 og 2017, men løyvinga vil skje etter årleg søknad. Det er i denne samanhengen viktig at FTU får rapportert kva som er gjort det føregåande året, og kva planar som ligg føre. Særleg har dette samanheng med at FTU ønskjer at flest mogleg kommunar skal kunne få tilbodet om «Alle barn sykler».

Etter fylkesrådmannen sitt syn så kan dette sykkelopplæringsprosjektet vere eit godt prosjekt for FTU å knyte seg til. Ein føresetnad bør vere at midlar frå FTU vert nytta til å gje flest mogleg kommunar i Hordaland dette tilbodet, og at det slik sett ikkje vert eit særleg fokus på Bergen kommune.

Fylkesrådmannen meiner vidare at «Alle barn sykler» kan bidra til å nå mål i fleire regionale planar (folkehelse, klima og kultur), i den nasjonale sykkelsatsinga og Bergensprogrammet.

Prosjektet vil også kunne vere med å løfte samarbeidet mellom avdelingane i fylkeskommunen, og på den måten tenkje meir heilskapleg.

Fylkesrådmannen sine kommentarar

Fylkesrådmannen ser at Alle barn sykler kan utviklast til eit godt sykkelopplæringsprosjekt. Det er ei målsetjing at flest mogleg av kommunane og skulane i fylket etter kvart kan ta del i dette. Etter fylkesrådmannen sitt syn er det viktig at arbeidet som no vert gjort har eit perspektiv utover Sykkel VM i 2017.

Fylkesrådmannen rår til at den årlege summen som er sett av i Handlingsplan for trafikksikring i Hordaland (2014-2017) til Fylkesfinalen i sykling, vert tildelt Alle barn sykler. Dette inneber eit tilskot på 62.500 kr i 2016.